



Bi en Noodfall ...

... bleibt ruhig un wählt de Noodroop **112**.
Bi dat Gespreck mit de Noodroopzentrale geiht dat um de fiev W-Fragen:

1. Waar is dat geböhrt?

En genau Beschrievn van de Noodfallstee (Stee, Straat, Huusnummer usw.) maakt lang Söken unnödig un helpt Rettungsdennst, Fүүrwehr un Polizei, dat se so gau as mögelk daar wesen können.

2. Wat is geböhrt?

Beschrievt de Noodfall kört. Daarna kann de Noodroopzentraal entscheden, wat wieder daan worden sall.

3. Wo vööl Besehrten giff dat?

Van de Antahl van Besehrten hangt dat of, welke Middels för 't Redden insett worden.

4. Wat för Wunnen?

Wiest besünners up Wunnen hen, de levensgefarelek wesen können, so dat in disse Fall en Noodarzt mitstүүrt word.

5. Wacht up Rückfragen!

Leggt neet einfach up! Villicht will de Noodroopzentraal noch wat van Jo weten.



Mehr to weten:

www.112.eu
www.eena.org
www.112foundation.eu
www.notfall-telefax112.de
www.agenda112.eu

Disse Noodfall-Information giff 't ok in anner
Spraken:

www.europe-direct-stuttgart.de/112.htm

Plattddeutsche Fassung mit Unterstützung von:
Plattdüütskbüro - Ostfriesische Landschaft
www.ostfriesischelandschaft.de



Europaschule Gymnasium Rhauderfehn
Wertstraße 2 * 26817 Rhauderfehn
Tel. +49 4952 8273-0
www.gymnasium-rhauderfehn.eu

Foto: „112 europaweit – Helfen ist Kultur“ Flughafen
Stuttgart, 11.2.2014.

Layout: Norbert Ropelt | © Europe Direct Stuttgart 2014



„Een Europa – een Nummer!“



„Een Europa – een Nummer!“

De Börgers in Europa sünd faak unnerwegens. Daarom is dat besünners wichtig, dat dat blot een Noodroopnummer giff, de in heel Europa gelt: de **112**. De kann overall ohn Vörwahl van 't Mobieltje of Fastnett ut wählt worden, un dat köst nix.

20 Jahr Euro-Noodroop

Al 1991 hebben de EU-Staten mitnanner besloten, dat de **112** as Noodroopnummer in heel Europa gellen sall.

Wat vör mehr as 20 Jahr anfang, hett sük as en goden Tree na vörn rutstellt. Do geev dat mehr as 40 verscheden Noodroopnummers in de Europäisk Union. Vandaag sünd de Noodroopzentralen in de EU all over een gemeensaam Nummer to raken: **112**.

Man blot 17 % (2013) van de Minsken in Düütskland weten, dat se de Nummer **112** bi en Noodfall in heel Europa wählen können. In de Snee weten dat in Europa tominnst 27% van de Börgers.

11.2. – Europäisk Dag van de Noodroop 112

Dat europäisk Parlament hett de **11.2.** as Dag van de Euro-Noodroop fastleggt, daarmit de Noodroopnummer **112** bekannter word.



De Euro-Noodroop 112 ...

- gelt in heel Europa
- bruukt keen Vörwahlnummer
- köst nix
- hett alltied Vörrang in 't Funk- un Fastnett
- verbindt Jo mit de tostännig Noodroopzentraal van Rettungsdennst, Fűrwehr of Polizei
- is in vööl Lannen mehrsprachig
- geht in elk Mobiefunknett, ok wenn „Jo“ Nett nett neet to kriegem is
- geht bi de meeste Mobieltjes ok ohn dat de Tasten entsperrt worden

Tipp: De Euro-Noodroop 112 kann mit dat Mobieltje ok in en Bült Lannen buten Europa anwählt worden. Maakt Jo slau, ehrdat dat Jo Reis in 't Butenland losgeht!



In welke Lannen gelt de 112?

- In all 28 EU-Staten

In anner Lannen, to 'n Bispööl:

- | | |
|-------------------|--------------|
| ■ Andorra | ■ Norwegen |
| ■ Färöer-Eilannen | ■ San Marino |
| ■ Island | ■ Swiez |
| ■ Liechtenstein | ■ Türkei |
| ■ Monaco | ■ Vatikaan |



Mehr as 500 Millionen Minsken in Europa können mit de Noodroopnummer **112** de Nooddensten raken.

Mit de **112** hett Europa en gemeensaam Teken för Hülpe in Noodfallen.